

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ
ՁԵՐԲԱԿԱԼՎԱԾ ԱՆՁԱՆՑ ՊԱՀԵԼՈՒ ՎԱՅՐԵՐՈՒՄ ՎԵՐԱՀՄԿՈՂՈՒԹՅՈՒՆ
ԻՐԱԿԱՆԱՑՆՈՂ ՀԱՄԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1390

28.11.2013թվ.

ՀՀ ոստիկանության պետ,
գեներալ-լեյտենանտ
պարոն. Վ. Գասպարյանին




Հարգելի պարոն Գասպարյան,

Նորիկ Ավետիսի Մկրտչյանը ձերբակալվել է 31.10.2013թ-ին ժամը 23⁵⁰, սակայն ՀՀ ոստիկանության Արագածոտնի ՄՎ Թալինի ՁՊՎ է ընդունվել 01.11.2013թ-ին ժամը 17³⁰:

Խնդրում ենք ուսումնասիրել ներկայացված փաստը և Դիտորդական խմբին մեկնաբանել, թե 17 ժամ 40 րոպե Ն. Մկրտչյանը որտեղ է գտնվել, որի արդյունքում նա չի կարողացել օգտվել ՀՀ օրենսդրությամբ նախատեսված ձերբակալվածի իրավունքներից:

Հարգանքներով՝

ՀՀ ոստիկանության համակարգի ձերբակալված անձանց պահելու վայրերում վերահսկողություն իրականացնող հասարակական Դիտորդական խմբի նախագահ՝



Հ. Սահակյան



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

N- 2/2-1-

« _____ » _____ 2013թ.

Ձեր՝ 28.11.2013թ. թիվ 2621/1390 գր.

«Ն ոստիկանության համակարգի ձերբակալված անձանց պահելու վայրերում հասարակական դիտորդների խմբի նախագահ Հասմիկ Սահակյանին

Հարգելի տիկին Սահակյան

Ձեր 28.11.2013թ. 2621/1390 գրությունը քննարկվել է «Ն ոստիկանության շտաբում, քննչական գլխավոր և Արագածոտնի մարզային վարչություններում:

«Ն ոստիկանության ՔԳՎ Արագածոտնի մարզային քննչական բաժնի Թալինի քննչական խմբում 28.12.2011թ. «Ն քրեական օրենսգրքի 242-րդ հոդվածի 2-րդ մասով հարուցված քրեական գործով մեղադրյալ Նորիկ Ավետիսի Մկրտչյանի նկատմամբ որպես խափանման միջոց է ընտրվել կալանավորումը, հայտարարվել հետախուզում և նշված քրեական գործի վարույթը 17.04.2012թ. «Ն քրեական դատավարության օրենսգրքի 31-րդ հոդվածի 1-ին մասի 2-րդ կետով կասեցվել է:

31.10.2013թ. ժամը 23:40-ին ոստիկանության Արմավիրի բաժնի ծառայողները ««Զվարթնոց»» օդանավակայանի ժամանման սրահից Ն.Մկրտչյանին բերման են ենթարկել ոստիկանության Արմավիրի բաժին, որտեղ նույն օրը վերջինս ձերբակալվել է:

01.11.2013թ. ժամը 17:30-ին Ն.Մկրտչյանը ոստիկանության Արմավիրի բաժնի ՁՊՎ-ից տեղափոխվել և ընդունվել է ոստիկանության Թալինի բաժնի ՁՊՎ:

02.11.2013թ. ժամը 18:55-ին, Թալինի քննչական խմբի ավագ քննիչ Ա.Պետրոսյանի որոշման համաձայն, մեղադրյալ Ն.Մկրտչյանի նկատմամբ խափանման միջոց է ընտրվել ստորագրություն չհեռանալու մասին, որի հիման վրա վերջինս ազատ է արձակվել ոստիկանության Թալինի բաժնի ՁՊՎ-ից:

Ն.Մկրտչյանը օգտվել է «Ն օրենսդրությամբ նախատեսված իր իրավունքներից, վերջինիս իրավունքները չեն խախտվել, իսկ ոստիկանության ծառայողների գործողություններն եղել են իրավաչափ:

«Ն ոստիկանության շտաբ